

大明太宗皇帝御制藏經贊

朕惟如來為一大事出現。演三藏十二部之玄言。所以指教垂義者尚矣。自其言流于中土。翻譯其義。以化導群類。非上根圓智之士。鮮能以通之。而得其要者。或寡矣。天治心。道心也者。虛靈明

佛

該貫萬理而無所多聞。必由於藏海。於一心。以是修證。超乎圓妙。常住不動。無有所蔽。此誠末世之津梁。迷途之明炬也。朕撫臨大統。仰承鴻基。念皇考皇妣生育之恩。垂緒之德。劬勞莫報。乃遣使往西土。取藏經之文。刊梓印

贊以願轉

藏

施。以資為薦揚之典。下界一切生靈。均沾無窮之福。如是功德。有不可名言。若夫世之由迷惑真。交纏故業。茫然而莫之所歸者。不究竟於斯。亦莫能得其體而返其真也。推是心以濟拔流

來慈悲之
于卷首且

如來演義諦 法音遍克周
世界恒河沙 一一皆具足
化導於群類 咸得成正觀
有漏諸微塵 悉超於覺海
歷阿僧祇劫 廣開方便門
迷妄執空華 一切了明微

有一弗微者 誓不成佛陀

我今念眾生 是故廣演說

深心奉塵刹 俱願澄菩提

上報二重恩 下濟諸途苦

昔登無上覺 欲漏盡消除

成就勝妙心 以拯諸末劫

廣此密因義 布施於竺乾

頻伽大梵音 至妙不思議

如十方擊鼓 無礙於音聲

有耳皆獲聞 聞者即成覺

堅固無動轉 永不墮輪回

世尊為證明 作如是贊嘆

功德不可說 永被於生靈

永樂八年三月初九日

佛藏

上海世紀出版股份有限公司上海書店
時代出版傳媒股份有限公司黃山書社

第二七冊目錄

佛說大乘不思議神通境界經	三卷	宋施護譯	(薄八)		一
佛說給孤長者女得度因緣經	三卷	宋施護譯	(薄九)		一三
佛說大集法門經	二卷	宋施護譯	(薄十)		二五
佛說光明童子因緣經	四卷	宋施護譯	(夙一——二)		三四
佛說寶帶陀羅尼經	一卷	宋施護譯	(夙三)		四八
佛說金身陀羅尼經	一卷	宋施護譯	(夙三)		五二
佛說入無分別法門經	一卷	宋施護譯	(夙三)		五三
佛說淨意優婆塞所問經	一卷	宋施護譯	(夙三)		五五
佛說金剛場莊嚴般若波羅蜜多教中一分	一卷	宋施護譯	(夙四)		五七
佛說息諍因緣經	一卷	宋施護譯	(夙四)		六一
佛說初分說經	二卷	宋施護譯	(夙五)		六五
佛說無畏授所問大乘經	三卷	宋施護譯	(夙六)		七二
佛說月喻經	一卷	宋施護譯	(夙六)		七八
佛說醫喻經	一卷	宋施護譯	(夙六)		七九
佛說灌頂王喻經	一卷	宋施護譯	(夙六)		八〇
佛說尼拘陀梵志經	二卷	宋施護譯	(夙七)		八〇

佛說白衣金幢二婆羅門緣起經	三卷	宋施護譯	(夙八)	八六
佛說福力太子因緣經	三卷	宋施護譯	(夙九)	九四
佛說身毛喜堅經	三卷	宋惟淨等譯	(夙十)	一〇三
大乘本生心地觀經	八卷	唐般若等譯	(興一—八)	一一五
佛說出生無邊門陀羅尼經	一卷	唐不空譯	(興九)	一七四
一切如來心秘密全身舍利寶篋印陀羅尼經	一卷	唐不空譯	(興九)	一七九
佛說大吉祥天女十二名號經	一卷	唐不空譯	(興九)	一八一
佛說大吉祥天女十二契一百八名無垢大乘經	一卷	唐不空譯	(興九)	一八二
佛說一切如來金剛壽命陀羅尼經	一卷	唐金剛智共智藏譯	(興九)	一八五
佛說穰廩梨童女經	一卷	唐不空譯	(興十)	一八六
佛說雨寶陀羅尼經	一卷	唐不空譯	(興十)	一八八
慈氏菩薩所說大乘緣生稻杆喻經	一卷	唐不空譯	(興十)	一九〇
佛說除蓋障菩薩所問經	二十卷	宋惟淨共法護譯	(溫一—八)	一九三
仁王護國般若波羅蜜多經	二卷	唐不空譯	(溫九—十)	二六一
穢迹金剛說神通大滿陀羅尼法術靈要門經	一卷	唐無能勝譯	(清一)	二七五
穢迹金剛法禁百變法門經	一卷	唐阿質達霰譯	(清一)	二七七
佛說大乘大方廣佛冠經	二卷	宋法護等譯	(清一)	二七九
佛說八種長養功德經	一卷	宋法護等譯	(清一)	二八三

大雲輪請雨經	二卷	唐不空譯	(清二)		二八三
大乘密嚴經	三卷	唐不空譯	(清三—五)		二九四
佛說大集會正法經	五卷	宋施護譯	(清六—九)		三二四
葉衣觀自在菩薩經	一卷	唐不空譯	(清十)		三五二
毗沙門天王經	一卷	唐不空譯	(清十)		三五五
文殊問經字母品	一卷	唐不空譯	(清十)		三五八
海意菩薩所問淨印法門經	九卷	宋惟淨共法護譯	(似一—九)		三五九
佛說如幻三摩地無量印法門經	三卷	宋施護等譯	(似十)		四二七
守護國界主陀羅尼經	十卷	唐般若等譯	(蘭一—十)		四三六
佛說三十五佛名禮懺文	一卷	唐不空譯	(斯二)		五一〇
觀自在菩薩說普賢陀羅尼經	一卷	唐不空譯	(斯二)		五一一
佛說八大菩薩曼荼羅經	一卷	唐不空譯	(斯一)		五一二
佛說能淨一切眼疾病陀羅尼經	一卷	唐不空譯	(斯二)		五一四
佛說除一切疾病陀羅尼經	一卷	唐不空譯	(斯一)		五一四
佛說救拔焰口餓鬼陀羅尼經	一卷	唐不空譯	(斯一)		五一五
瑜伽集要救阿難陀羅尼焰口軌儀經	一卷	唐不空譯	(斯二)		五一七
佛說蟻喻經	一卷	宋施護譯	(斯三)		五二二
聖觀自在菩薩不空王秘密心陀羅尼經	一卷	宋施護等譯	(斯三)		五二三

佛說勝軍王所問經	一卷	宋施護譯	(斯四)	五二八
佛說輪王七寶經	一卷	宋施護譯	(斯四)	五三〇
佛說園生樹經	一卷	宋施護譯	(斯四)	五三二
佛說了義般若波羅蜜多經	一卷	宋施護譯	(斯四)	五三三
佛說大方廣未曾有經善巧方便品	一卷	宋施護譯	(斯四)	五三四
佛說大堅固婆羅門緣起經	二卷	宋施護等譯	(斯五)	五三六
佛說巨力長者所問大乘經	三卷	宋智吉祥等譯	(斯六)	五四四
佛說妙吉祥菩薩所問大乘法螺經	一卷	宋法賢譯	(斯七)	五四四
佛說四品法門經	一卷	宋法賢譯	(斯七)	五五六
佛說八大菩薩經	一卷	宋法賢譯	(斯七)	五五八
佛說施一切無畏陀羅尼經	一卷	宋施護譯	(斯七)	五五九
聖八千頌般若波羅蜜多一百八名真實圓義陀羅尼經	一卷	宋施護等		
譯	(斯七)			五六〇
佛說一髻尊陀羅尼經	一卷	唐不空譯	(斯八)	五六二
金剛摧碎陀羅尼	一卷	宋慈賢譯	(斯八)	五六八
不空罽索毗盧遮那佛大灌頂光真言經	一卷	唐不空譯	(斯八)	五六九
地藏菩薩本願經	二卷	唐實叉難陀譯	(斯九—十)	五七〇
大乘理趣六波羅蜜多經	十卷	唐般若譯	(馨一—十)	五八七

佛說大乘菩薩藏正法經	四十卷	宋法護等譯	(如一—松十)	六六二
佛爲優填王說王法政論經	一卷	唐不空譯	(之一)	八一二
佛說五大施經	一卷	宋施護等譯	(之一)	八一五
佛說無畏陀羅尼經	一卷	宋法賢譯	(之一)	八一五
佛說大威德金輪佛頂熾盛光如來消除一切災難陀羅尼經	一卷	唐失		
譯師名	(之一)	……		八一六
佛說熾盛光大威德消灾吉祥陀羅尼經	一卷	唐不空譯	(之一)	八一七
佛說頂生王因緣經	六卷	宋施護譯	(之二—三)	八一九
佛說大乘隨轉宣說諸法經	三卷	宋紹德等譯	(之四)	八三八

佛說大乘不思議神通境界經卷上

中下

宋西天三藏翻奉大試光祿卿傳授師範本 品譯

如是我聞一時世尊住法界光明菩薩宮與大苾芻衆五十萬人俱皆阿羅漢諸漏已盡無餘煩惱安住寂靜心善解脫慧善解脫如大龍王所作已辦捨諸重擔得大善利諸有結縛皆悉已盡正智無礙諸心善寂神通具足復有菩薩摩訶薩衆皆得不退轉地一生補處當得成就阿耨多羅三藐三菩提者而悉安住無邊如來神通變化菩提加持無著

妙行一切衆生廣大愛樂住正念慧入普徧智具平等行成就無量衆功德聚現證如來平等法門轉妙法輪能善教授無邊學衆已獲一切白法功德善知一切衆生心意了別衆生諸根利鈍已到彼岸最上自在成就圓滿一切善法諸佛事業皆悉成辦從他方界來集此會其名曰普賢菩薩摩訶薩普賢菩薩摩訶薩普步菩薩摩訶薩普信菩薩摩訶薩普眼菩薩摩訶薩普寤菩薩摩訶薩普光菩薩摩訶薩普香菩薩摩訶薩普意音菩薩

摩訶薩普照菩薩摩訶薩普念菩薩摩訶薩普智幢菩薩摩訶薩普緣觀菩薩摩訶薩法界普光菩薩摩訶薩如是等萬二千人俱復有諸天子衆所謂智幢天子普華幢天子普光天子珠髻天子寶積摩尼峯天子如是等一萬天子衆俱是諸天子皆悉已於過去佛所種諸善根者來集此會爾時世尊即入普徧光明三摩地從是三摩地出已即放廣大光明普照三千大千世界乃至十方一切佛刹普皆照曜是時此諸世界所有一切衆生

蒙光照者皆發阿耨多羅三藐三菩提心已發心者皆悉安住不退轉地爾時十方世界一切佛刹彼彼刹中諸佛世尊所有近侍諸菩薩衆見此光已各各白其佛言世尊今此光明普照世界有何因緣是何神力即時彼彼佛言諸善男子汝等當知有世界名娑婆佛號釋迦牟尼如來應供正等正覺與諸大菩薩衆而共集會欲說不思議境界正法以是因緣光明普照爾時彼諸近侍佛者各各白其佛言世尊我等今者樂欲往彼娑婆世

界瞻禮恭敬釋迦牟尼如來隨喜聽受不思議境界正法及欲見彼諸菩薩衆時彼如來即各告諸近侍者言汝等可往今正是時隨其所欲爾時十方諸佛刹中所有一切近侍佛者即各以其菩薩神通現諸變化各與無數天龍夜叉乾闥婆等恭敬圍遶來詣釋迦牟尼佛所是諸菩薩到佛會已頭面慙懃禮世尊足咸作是言世尊釋迦牟尼如來我等聞其不思議境界正法名字樂欲隨喜聽受宣說及欲見佛世尊瞻禮恭敬并見此諸菩

薩大衆以是因緣我等到此娑婆世界爾時東方大寶世界寶幢佛刹中所住妙吉祥菩薩摩訶薩即起是念今彼西方娑婆世界釋迦牟尼佛刹中有十方世界如苑伽沙數諸大菩薩摩訶薩衆皆悉集會聽彼佛說不思議境界正法我今亦宜往彼會中禮近世尊釋迦牟尼如來隨喜聽受彼正法門及見彼諸菩薩大士何以故十方一切諸佛刹中隨其所有集會利益我皆往彼無不往者又復我常所見諸佛菩薩集會說法無如今日彼

佛刹中有如是等無量無邊菩薩大士廣大集會我觀是相甚為難有若見若聞轉復甚難是故我今亦宜往彼爾時妙吉祥菩薩作是念已即謂慈氏菩薩摩訶薩言慈氏當知今世尊釋迦牟尼佛刹中有無數百千俱胝那庾多菩薩摩訶薩眾廣大集會聽受宣說不思議境界正法我等今者宜共往彼瞻禮世尊并見彼諸菩薩大士何以故十方世界諸大菩薩普集一處甚為難事爾時慈氏菩薩摩訶薩告妙吉祥菩薩言汝今自詣彼佛會中非我所往何以故此甚難故彼佛會中諸大菩薩皆悉已得陀羅尼門住無著智具諸善法雖彼集會若見若聞諸有相者我皆不能妙吉祥汝今當知若以如來色身有所見者實無可見是故我今所不能見若以如來法身有所見者法身即是法性於法性中無見無聞無所供養無所瞻禮無所了知妙吉祥菩薩言汝今隨順往彼供養如來慈氏菩薩言不也妙吉祥非我所供養如來何以故有無如來能供養者如來即是真如法真

如法中無有二相真如法者即是如來妙吉祥菩薩問言即此無二相汝當云何說慈氏答言妙吉祥煩惱一性及種種性此說為二若了一性即種種是無二法若起分別此是煩惱此出世間作是見者即為二相又若分別此是持戒此非持戒此聲聞法此緣覺法此是布施此非布施此是正道此是邪道此是須陀洹斯陀含阿那含阿羅漢此是緣覺此是菩薩此是如來應供正等正覺此法斷滅此法有想此法決定此不決定此法是智所知此法為識所識此證覺道此涅槃道作如是等有分別者皆為二相於二相中隨識所轉若能不起如是等相是無二法妙吉祥若我以劫或以劫盡說是無二法假使辯才智慧說不能盡亦復不能知其邊際何以故彼一切法離種種性若中若邊皆不可見亦不可得妙吉祥菩薩言大哉慈氏汝已證得無生法忍故作是說如是如是假使若我以劫或以劫盡說是無二法亦非辯才智慧說所能盡慈氏菩薩言妙吉祥莫於文字而生

有想彼一切法離諸文字是無生相亦無所動爾時妙吉祥菩薩普告彼佛刹中諸菩薩言善男子汝等今者宜共往彼世尊釋迦牟尼佛刹中瞻禮彼佛及見百千俱胝那庾多諸菩薩眾隨喜聽受不思議境界正法爾時有菩薩名辯積幢王白妙吉祥菩薩言如來無有可能見者何故今言令我等往見佛如來何等如來是可見者復以何義說名如來何以故如來非過去未來現在可得彼一切法亦非三世皆悉空故於空法中無能見者如妙吉祥菩薩所言如來有所見者今云何見彼佛如來為以何眼可觀察耶若以肉眼而能觀者肉眼即空於空性中而無所見若以天眼觀如來者天眼亦復是有得想若非眼所觀何名為見是故我等今不能往妙吉祥菩薩言善男子汝今若住不平等法作是說者於佛如來即不能見亦非供養汝今若住無所著相如實說者於佛如來即有所見亦有所往亦可供養不著一切文字相故亦復不離諸文字相彼自性空是故我於平等

法中作如是說諸佛如來本清淨故如來亦復無所動轉汝等今者若住忍意應當往彼若住非忍意亦當往彼是時妙吉祥菩薩如是重復爲諸菩薩方便宣說彼菩薩衆以佛威神力故即於諸法得無所住爾時妙吉祥菩薩復作是念我今不應而獨往彼娑婆世界何以故彼世界中所有衆生造不善業少見少聞不生淨信我今當現種種色相及希有事而可往彼令諸衆生見已生信得未曾有使其獲得廣大善利即時妙吉祥菩薩作

是念已入於無垠普光三摩地於是三摩地中見無數百千菩薩摩訶薩而共圍繞所有大梵天王帝釋天主各執寶拂侍立左右是時妙吉祥菩薩於一一毛孔中出天蓮華大如車輪一一華中有佛世尊結加趺坐一一世尊執寶蓮華是時三千大千世界所有衆生得大快樂妙吉祥菩薩即時普見一切衆生彼諸衆生亦同得見妙吉祥菩薩皆悉不退轉於阿耨多羅三藐三菩提心爾時妙吉祥菩薩見是相已出三摩地從彼東方大寶

佛刹來此娑婆世界隨所經歷諸佛刹土悉現如是神通變化普令一切獲大利益於其種種佛刹皆見如來執寶蓮華各各爲彼衆生說法或見佛刹地獄衆生現受苦者佛爲救度皆得離苦及彼畜生餓鬼等趣互相食噉極苦惱者亦皆離苦乃至閻魔界中現受一切苦惱衆生見佛各各爲如應說法是諸衆生一一皆得遠離苦惱各各發趣阿耨多羅三藐三菩提心有佛刹中或見如來廣爲一切阿脩羅衆如應說法各各得轉阿脩羅身

有佛刹中或見如來住妙吉祥神通境界爲諸刹帝利大族婆羅門大族長者大族如應說法各獲利益或爲四大王天諸天子衆如應說法謂諸天子言汝等當知彼一切行皆悉無常勿起意念謂究竟法聞是法者皆獲利益有佛刹中或見如來住妙吉祥神通境界爲三十三天帝釋天主等諸天子衆如應說法亦復謂言諸行無常非究竟法諸有智者當如實知不應於中作究竟想聞是法者皆獲利益有佛刹中或見如來住妙吉祥神

通境界爲夜摩天諸天子衆知足天中諸天子衆化樂天中諸天子衆他化自在天中諸天子衆梵衆天中諸天子衆梵輔天中諸天子衆大梵王天諸天子衆如是乃至色究竟天諸天子衆各各如應爲其說法聞所說法皆獲利益或見如來住妙吉祥神通境界爲諸初地菩薩摩訶薩衆如應說法或爲二地或爲三地或爲四地或爲五地或爲六地或爲七地或爲八地或爲九地或爲十地諸大菩薩摩訶薩衆或爲一生補處當得成就阿

耨多羅三藐三菩提者各各如應說法要使得令增進住不退轉乃至普令圓滿安住大涅槃界爾時妙吉祥菩薩現如是等種種神變隨所經歷諸佛刹土一切衆生見是相者皆悉發於阿耨多羅三藐三菩提心五百苾芻得諸漏盡心善解脫八千菩薩得無生法忍十千天子遠離塵垢得法眼淨即時所得利益諸菩薩等異口同音說伽陀曰
見是神通變化事 一切具足未曾有
妙吉祥尊境界中 一切衆生得利益

爾時十方諸佛剎中已來集會諸菩薩眾各各以神通力見如是等大希有事俱白世尊釋迦牟尼佛言今此三千大千世界光明普照及希有事是何神力所變化故願佛世尊爲我等說佛告諸菩薩摩訶薩言善男子汝等當知有菩薩大士名妙吉祥住不退轉已得灌頂從東方來欲入此會是彼神通現斯瑞應又善男子若人得聞彼妙吉祥名字者皆悉住於不退轉心況復得見甚爲難事是時世尊釋迦牟尼佛爲諸菩薩摩訶薩作是

說時彼妙吉祥菩薩即以神通來入佛會到佛會已頭面著地禮世尊足前白佛言世尊釋迦牟尼佛少病少惱輕利調適得快樂不我從東方大寶世界寶幢佛剎來此會中禮近世尊聽說正法爾時普華幢天子在大會中從座而起前白佛言世尊諸菩薩摩訶薩當修何法即得成就如妙吉祥神通事業最勝甚深辯才智慧佛告普華幢天子言若菩薩摩訶薩樂欲成就如是神通勝事業者應當具足四種法門何等爲四一者於甚深法

隨喜聽受二者廣爲他人說甚深法三者隨所聞法請問其義四者聞已信解如理修行是爲四種復有四法應當具足何等爲四一者於佛如來所說經法總持決定二者於諸經法愛樂修習三者於諸經法記念不忘四者於諸經法廣說流通是爲四種復有四法應當具足何等爲四一者於正法門諦實聽受二者於說法師生尊重想三者於持法人恭敬承事不生懈退四者於說法師常所稱讚長時無倦是爲四種復有四法應當具足

何等爲四所謂四心常當發起一者平等心二者柔軟心三者無懈心四者無毒心是爲四種若菩薩摩訶薩於如是等四種法門隨所修習即得如是神通變化最勝事業復能成就智慧辯才爾時世尊說是四種法門時五千菩薩得無生法忍四天子遠離塵垢得法眼淨是諸菩薩及天子衆得所利已咸作是言普願衆生皆得安住諸佛境界於正法門深生信解所聞正法記念受持於未來世得大神通如妙吉祥於諸佛剎變化自在

爾時普華幢天子白妙吉祥菩薩言菩薩從何所來至此佛會所住佛剎其名稱等化主如來復何名字時妙吉祥菩薩告普華幢天子言莫作是說有所從來何以故天子當知法界無來亦無所去復無所行而無所住一切無著彼法界性無所疑惑離諸戲論天子若言有來有去有所住者是戲論法爾時普華幢天子及諸大衆聞妙吉祥菩薩說是法已即時各各歎未曾有異口同音說伽陀曰最上希有妙吉祥從佛世尊所出生

具足神通諸法門聞者見者得利益大士今現此諸相宣說甚深微妙法我皆隨喜得見聞咸於今日獲大利我等昔聞大名士今見神通妙色相菩薩是大法光明出現一切諸佛法已能圓滿一切行慚愧上服所莊嚴自利利他妙吉祥最勝功德難思議菩薩猶如世間父普攝一切爲所歸開示涅槃方便門咸令衆生到彼岸菩薩猶如大師子一音能破諸外論

正法功德悉已圓 一切染法皆清淨
菩薩猶如世間地 普能出生諸善法
復爲最上大醫王 能救衆生諸病苦
菩薩如月大清涼 令諸熱惱皆清淨
復如日光大熾盛 廣照一切三摩地
菩薩大行大導師 引示衆生菩提道
常生廣大慈愍心 救度惡趣衆生苦
菩薩常爲所依怙 了別一切衆生心
一切智智妙法門 普施衆生令解脫
爾時世尊告普華幢天子及諸大衆言如是
如是如汝所言妙吉祥菩薩有是功德

佛說大乘不思議神通境界經卷上

佛說大乘不思議神通境界經卷中

宋西京藏經大藏經卷八 佛說大乘不思議神通境界經卷中

爾時普華幢天子復白佛言世尊今此妙吉祥菩薩摩訶薩發菩提心爲久近耶佛言天子此妙吉祥菩薩過於無量無邊阿僧祇劫

劫已發菩提心天子我今爲汝及諸大衆略說其一是時普華幢天子白佛言世尊願爲我等一切衆會如理宣說佛言天子過去度如微塵數劫爾時此娑婆世界有佛名普觀清淨音王如來應供正等正覺出現於世彼佛法中有一苾芻名清淨音於彼法中出家修道得五神通時彼苾芻於四萬二千歲中以種種香華燈塗及衆妙具供養彼佛種是善根發於阿耨多羅三藐三菩提心天子於汝意云何彼時清淨音苾芻豈異人乎即今妙吉祥菩薩摩訶薩是汝等當知此妙吉祥菩薩已於無量無邊阿僧祇劫世尊所發菩提心已度阿僧祇劫沙數衆生今住須陀洹斯陀含阿那含阿羅漢果已度阿僧祇劫沙數衆生今住緣覺果已度阿僧祇劫沙數衆生今住初地乃至已度阿僧祇劫沙數衆生今住十地妙吉祥菩薩如是廣大種諸善根成就善法復次天子假使有人滿三千大千世界七寶布施如來是人所得功德其數甚多若復有人聞此妙吉祥菩薩名字恭敬受持乃至隨喜稱念

者當知是人福多於彼又復天子若三千大千世界所有衆生一一皆得須陀洹乃至阿羅漢果是人得福甚多若復有人聞此妙吉祥菩薩名字能受持者福多於彼又若三千大千世界所有衆生一一皆悉得緣覺果是人得福甚多若復有人聞此妙吉祥菩薩名字能受持者福多於彼何以故若有人稱讚受持諸佛名字若復有人稱讚受持妙吉祥菩薩名字如是二人所得功德等無有異爾時普華幢天子聞佛世尊作是說已即與四

萬天子合掌恭敬作如是言善哉妙吉祥菩薩甚善甚善我等至誠歸命頂禮彼諸天子發是言時其聲普徧三千大千世界皆悉聞聞爾時尊者大目乾連聞是聲已來詣佛所前白佛言世尊今此三千大千世界皆得普聞讚歎音聲是何神力現此希有不思議事佛告大目乾連言汝今當知是妙吉祥菩薩摩訶薩已住不退轉被大鎧甲最勝大士在此會中諸天子等稱讚彼名是故音聲普聞三千大千世界大目乾連若有人隨其方處

稱讚受持此妙吉祥菩薩名字者即時三千大千世界普皆震動是時尊者大目乾連復白佛言希有世尊此菩薩摩訶薩成就如是不思議事被大鎧甲勇猛精進成熟有情具諸佛法世尊若人以少善根不能如是圓滿具足大菩薩法爾時世尊爲大目乾連說是法時忽然出現大寶蓮華徧滿娑婆世界一切蓮華大如車輪其華各有種種色香諸妙寶網以爲莊嚴於其華中有一蓮華而最出現高顯妙好一切衆會皆悉覩見爾時尊者

阿難見其蓮華殊妙莊嚴忽然出現即白佛言世尊云何此會先有是相佛言阿難汝今當觀不久即有六萬菩薩摩訶薩衆從普徧光明世界吉祥德王佛剎中而來此會各各處其寶蓮華上結加趺坐彼一蓮華最高顯者當有菩薩名徧照藏處其華上加趺而坐是諸菩薩欲現空中故先示此寶蓮華相爾時會中諸菩薩等一切大衆咸共稱讚得未曾有各各合掌向空頂禮是時於虛空中有梵天帝釋執寶蓮華園遶徧照藏菩薩摩訶

薩而此菩薩與諸大士即時各各踊身虛空高七多羅樹一切衆會皆悉覩見時諸菩薩於其空中兩腋寶華種種色香殊妙第一以供養佛華供養已於虛空中出如是聲世尊吉祥德王如來應供正等正覺問訊世尊釋迦牟尼如來少病少惱輕利調適得大快樂氣力安不吉祥德王如來如是置問今徧照藏菩薩摩訶薩等六萬菩薩同來至此禮近世尊隨喜聽受不思議境界正法爾時空中出是聲已徧照藏菩薩摩訶薩及諸菩薩即

時各各從空而下頭面著地禮佛足已住立佛前爾時世尊知是事已故復問言徧照藏菩薩摩訶薩等諸善男子汝等今者何故至此徧照藏菩薩白佛言世尊我等於普徧光明世界吉祥德王佛剎中聞此娑婆世界世尊釋迦牟尼如來與諸菩薩大士而共集會宣說不思議境界正法我等欲見世尊及聞正法以是因緣故來至此爾時尊者大迦葉在大會中前白佛言世尊普徧光明世界吉祥德王佛剎去此佛剎而不遠耶何故此諸

大士於少時間速能至此徧照藏菩薩謂大迦葉言尊者汝若以自神通定力往彼世界至壽量盡亦未能到是故當知彼佛世界如是遠近爾時佛告大迦葉言去此世界度如六十殑伽沙數佛剎即到普徧光明世界此諸菩薩以其最勝大神通力速能至此是時尊者大迦葉白佛言世尊我今樂欲往彼世界徧照藏菩薩即問尊者大迦葉言尊者云何於來去想有所動轉迦葉汝於何法見有來去汝謂色法有來去耶受想行識有來去

耶大迦葉答言善男子色無來去受想行識亦無來去於定心中示來去相若住定心即諸色不見色無見故即不能得彼來去相善男子若住定心即得勝義法門復次善男子汝諸菩薩來此久耶徧照藏答言我來久近如汝尊者所得漏盡證心解脫大迦葉言希有大士得大神通徧照藏言即汝尊者得心解脫亦云何久大迦葉言解脫已久徧照藏言如汝尊者得心解脫當以何義說名爲心大迦葉言汝善男子亦云何說徧照藏言心

有所縛何名解脫大迦葉言若如是者汝善男子有縛於心不名解脫亦復不名解脫知見徧照藏言尊者大迦葉心本無縛其何解脫大迦葉言若於無縛如實了知是即解脫徧照藏言尊者大迦葉爲用何心而了知耶過去耶未來耶現在耶若過去心彼已滅盡若未來心當亦未至若現在心今即無住離此三世復以何心而了知耶大迦葉言善男子心法滅處非彼心分徧照藏言尊者大迦葉即此心滅處而可了知耶大迦葉言若心

滅處即不能知徧照藏言彼一切法皆如心滅是故不能有所了知大迦葉言汝善男子得大辯才隨問能答我今不能有是辯才徧照藏言尊者大迦葉於汝意云何所有辯才若見若聞爲有得耶大迦葉言無得無聞何以故緣生性故徧照藏言豈非一切法皆同如是耶大迦葉言善男子諸法亦如是徧照藏言尊者大迦葉於汝意云何若見若聞於其辯才能無斷耶大迦葉言不壞亦不斷徧照藏言尊者大迦葉如是如是菩薩辯才隨

有所問而不斷壞迦葉當知諸菩薩摩訶薩縱經劫數隨問能答所有辯才亦不斷壞爾時徧照藏菩薩及尊者大迦葉說是法時五十萬衆生皆發阿耨多羅三藐三菩提心二百菩薩得無生法忍爾時尊者大迦葉白佛言世尊勸請世尊爲妙吉祥菩薩及大會衆如應說法使其長夜得大利樂而能決定證諸法性爾時有菩薩名曰辯積在大會中從座而起白妙吉祥菩薩言妙吉祥云何尊者大迦葉於法精進能善宣說妙吉祥言此大

迦葉於聲聞法中已得無畏辯積菩薩言此大迦葉云何不任大乘法中妙吉祥言善男子此大迦葉亦非不能任大乘法爲於聲聞法中得解脫故辯積菩薩言妙吉祥云何名爲聲聞法妙吉祥言世尊釋迦牟尼如來於此娑婆世界爲諸衆生說三乘法何等爲三所謂聲聞乘緣覺乘大乘是名三乘何以故有諸衆生起劣精進而求解脫故佛方便開示三乘辯積菩薩言妙吉祥云何如來廣說無量空解脫門無相解脫門無願解脫門妙

吉祥言善男子如來以善方便宣說無量空無相無願解脫法門令諸衆生如理修行爾時妙吉祥菩薩爲辯積菩薩說是法時會中所有天龍夜叉乾闥婆等即時各各合掌恭敬異口同音說伽陀曰

所有一切供養具 寶衣寶器衆莊嚴
妙吉祥尊所嚴身 我今稱讚功德聚
爾時普華幢天子復白佛言世尊此妙吉祥菩薩摩訶薩最初於何佛世尊所發菩提心佛告普華幢天子言汝今當知過去度如殤

伽沙數劫前彼時有世界名金焰光明有佛出世號無垢日焰光明如來應供正等正覺明行足善逝世間解無上士調御丈夫天人師佛世尊十號具足天子彼佛壽量九百九十萬俱胝那由多數爲諸衆生說三乘法所謂聲聞乘緣覺乘菩薩乘時彼如來初會說法有八百四十萬俱胝那由多衆生住聲聞乘得阿羅漢諸漏已盡捨諸重擔得大善利諸有結縛皆悉已盡正智無礙心善解脫第二會說法時有七十萬俱胝那由多衆生得

阿羅漢第三會說法時有六百五十萬俱胝那度多苾芻得阿羅漢彼佛法中二分苾芻苾芻尼優婆塞優婆塞衆二分菩薩摩訶薩衆彼諸菩薩一切皆是不退轉者皆悉證得無生法忍普入無邊三摩地門圓滿善法復得無邊陀羅尼門如來爲說不退轉法輪沉復彼諸初發大乘心者其數無量是中亦有無量衆生住緣覺者天子彼無垢日焰光明如來以其無量無數相應行法普攝衆生時彼金焰光明世界多以黃金而用莊嚴諸有

樓閣殿堂衆寶爲柱一切樹林皆寶嚴飾於其樹間出妙音聲稱讚甚深不思議法所謂空聲無相聲無願聲無性聲無著聲無生聲無起聲出如是等讚諸法聲其所出聲一切衆生聞者愛樂彼佛滅後正法住世滿一十歲天子時彼金焰光明世界中有轉輪王名最勝辯才爲四洲主是時彼王於無垢日焰光明佛剎中以其飲食衣服卧具幢幡寶蓋諸妙供具供養彼佛及其佛剎所有一切聲聞緣覺大菩薩衆如是供養滿一俱胝歲於

彼佛所深種善根彼轉輪王種是善根時即有八萬四千衆生及王宮中有三百二十萬后妃眷屬同發阿耨多羅三藐三菩提心天子彼最勝辯才轉輪聖王有其千子先於聲聞法中發生信解後復發於阿耨多羅三藐三菩提心證得無生法忍爾時彼王有女名曰大慧具大辯才甚深信解是時大慧與七千二百宮女眷屬恭敬圍繞詣彼無垢日焰光明佛所到佛所已與諸眷屬頭面著地禮彼佛足時大慧女以善根故即發阿耨多羅

三藐三菩提心既發心已前白佛言世尊我欲趣求阿耨多羅三藐三菩提果然我今者不能以此女人色相而取證彼阿耨多羅三藐三菩提唯願世尊爲我開示有何法門如理修行令我當得轉女人身成男子相速能取證阿耨多羅三藐三菩提果爾時無垢日焰光明如來即告大慧女言汝善女人當有一法能具足者即得轉女人身成男子相何等爲一所謂發起大菩提心無等等心一切三界最勝上心乃至一切聲聞緣覺起隨順

心復有一法若具足者即得轉女人身成男子相何等爲一所謂於諸如來常所作意而不遠離聽受正法無所厭倦大慧復有十法若具足者即得轉女人身成男子相何等爲十所謂十善業道應當圓滿即得慈行成就又復長時受學無懈聽法無懈親近法師亦復無懈若能圓滿如是等法即得轉女人身成男子相爾時彼佛說是法時其大慧女即於同來諸眷屬前轉彼女身得成男子即時大慧童子合掌恭敬前白佛言世尊我今已

轉女身於佛法中樂欲出家持苾芻戒願佛攝受爾時彼佛即告大慧童子言善來苾芻是時大慧於剎那間鬚髮自落袈裟被身成苾芻相威儀庠序如百臘者即於會中證得無生法忍是時彼王所有諸子知是事已生希有心來入佛會皆求出家佛即攝受各各如應爲說法要爾時大慧苾芻告諸王子言我於今者得最上利求不復起聲聞之見決定趣求阿耨多羅三藐三菩提果修大悲行利益衆生汝等有發聲聞心者亦應如我發

趣最上大菩提心當於正中正道起修行想時大慈慈母爲諸王子如應說法皆得不退轉於阿耨多羅三藐三菩提爾時世尊釋迦牟尼佛告普華幢天子言彼無垢日焰光明佛剎中最勝辯才轉輪聖王大慧童女者豈異人乎即今妙吉祥菩薩摩訶薩是彼王所有千童子衆今已成就阿耨多羅三藐三菩提果現住說法教化衆生即千佛是所謂東方起過行如來無邊光明如來普光如來吉祥王如來寶相如來寶上如來寶明如來寶

幢如來寶照明如來南方最極高如來大光明如來無量壽如來無量聲如來大名稱如來無邊名稱如來寶光如來清淨無邊壽如來月相如來月光如來西方無垢明如來清淨光如來日明如來無邊寶最上如來梵高如來金色光明如來梵自在王如來龍自在王如來一切寶華自在王如來娑羅樹王如來北方堅固勇猛如來離塵如來吉祥藏光如來無量香光如來師子音王如來大勢力精進出生如來妙高步如來大寶聚如來不

退轉輪如來寶白義吉祥如來普徧大日如來勝得如來如來等諸佛如來種種名字現在十方世界說法教化衆生佛告普華幢天子言如汝所問此妙吉祥菩薩摩訶薩於彼金焰光明世界無垢日焰光明佛所最初發於阿耨多羅三藐三菩提心

佛說大乘不思議神通境界經卷中

佛說大乘不思議神通境界經卷下

宋曹天祐朝奉太師光祿卿佛法大師施護奉詔譯

佛告天子此妙吉祥菩薩從是已後復於七十二瓊伽沙數佛世尊所發菩提心最初有佛名尸隣捺囉王如來應供正等正覺出現世間於彼佛所發菩提心其後有佛名寶光行吉祥出現世間其後有佛名蓮華上變化吉祥出現世間其後有佛名清淨寶吉祥出現世間其後有佛名無邊寶吉祥出現世間其後有佛名大寶吉祥出現世間其後有佛

名虛空燈出現世間其後有佛名大法王出現世間其後有佛名衆寶聚持妙色相出現世間其後有佛名能仁王出現世間其後有佛名功德光明莊嚴吉祥出現世間其後有佛名大光吉祥出現世間其後有佛名無量

光廣大莊嚴出現世間其後有佛名作變化雲千音聲王出現世間其後有佛名最上日光吉祥出現世間其後有佛名最上意出現世間其後有佛名多種光明吉祥王出現世間如是等七十二瓊伽沙數佛世尊所發菩

提心已復於九十一劫中值遇諸佛發菩提心又復於火頂如來衆尊如來作莊嚴如來飲光如來是諸如來所皆發菩提心種種善根天子此妙吉祥菩薩能於如是無量無數佛世尊所發菩提心廣大方便種種善根已乃至最後於我現在如來應供正等正覺所以神通變化作諸佛事爾時普華幢天子前白佛言世尊一切衆生欲種善根若能於此廣大正法發信解心聽受讀誦記念思惟爲人演說當知是人善得人身善見諸佛善聞

正法於其世間有所利益不空受食世尊而諸衆生云何當能於此正法發生信解佛告普華幢天子言汝今宜應以如是事問妙吉祥菩薩彼當爲汝如理宣說是時普華幢天子即白妙吉祥菩薩言云何當得一切衆生於比正法能生信解妙吉祥菩薩言天子無有法可生信解彼一切法自性空故無所生故若法自性空無所生當復云何而生信解普華幢天子復白妙吉祥菩薩言願爲我等略說菩薩行法妙吉祥言天子當知無行是

菩薩行又復一切法是菩薩行普華幢天子言云何一切法是菩薩行妙吉祥菩薩言天子當知所言一切法者謂四念處八正道五根五力七覺支略說此等爲菩薩行若廣說者其數無量諸菩薩摩訶薩若得此法是即名爲真菩薩行普華幢天子白妙吉祥菩薩言云何名爲四念處妙吉祥言天子若菩薩觀身如虛空不得身相住平等法如是名爲身中身念處若菩薩觀諸受法內外中間俱不可得皆悉空故如是名爲觀受念處若菩

薩如實觀心於其名中無已可見即不可得所觀心相如是名爲心中心念處若菩薩如實了知彼一切法若善不善自性皆空如是名爲法中法念處天子此等名爲四念處法復次普華幢天子白妙吉祥菩薩言云何名爲八正道法妙吉祥菩薩言若菩薩觀一切法非境界相無二無分別無少法可取是名正見若菩薩觀一切法離諸分別及諸疑惑與無所觀正行相應是名正思惟若菩薩觀一切法自性真實非有邊非無邊皆悉平等

如實宣說是名正語若菩薩觀一切法離所作性而不可得若如所作若非所作皆悉平等住如實義是名正業若菩薩知一切法本不相續即於諸法無願無喜亦無所著安住真實平等法中是名正命若菩薩了一切法無諸起作離種種相於精進行如實相應是名正精進若菩薩於一切法不起諸念了知諸業自性清淨住無所念是名正念若菩薩入一切法自性平等於所緣相皆悉遠離畢竟觀察了不可得是名正定天子此等名爲

八正道法復次普華幢天子白妙吉祥菩薩言云何名爲五根妙吉祥言若菩薩了一切法本無所生自性真實無進無退平等法中如實信解是名信根若菩薩於一切法心無愛樂離遠近想住真實性是名精進根若菩薩於一切法非所作意以所緣相離種種性由性離故諸念不生是名念根若菩薩於一切法無所念無所得正定相應是名定根若菩薩於一切法離所生相及不生相諦觀諸法自性皆空是名慧根天子此等名爲五根

復次普華幢天子白妙吉祥菩薩言云何名爲五力妙吉祥言若菩薩於一切法不起種種虛妄分別是名信力若菩薩於一切法而能請問如實勝義名精進力若菩薩於一切法離諸失念正念相應是名念力若菩薩於出世法心無懈怠是名定力若菩薩於諸業報淨信不壞是名慧力天子此等名爲五力復次普華幢天子白妙吉祥菩薩言云何名爲七覺支妙吉祥言若菩薩了一切行本無所生於喜樂法觀真實性是名喜覺支若菩